

¡BOMBA!

Malo es el conejo,
del tiempo tiene saber
y ayer, desde su ser,
nos dio un muy buen consejo



K'uintsil

Lunes 9 de febrero de 2026

CAMPECHE · YUCATÁN · QUINTANA ROO · AÑO 11 · NÚMERO 2659 · www.lajornadamaya.mx



Ochel Ap

Johnson yéetel Malinine' tu tooch'to'ob Estados Unidos tu keetilo'ob Milán-Cortina

Jach k'aas úuchik u lúubul Lindsey Vonn ti' u keetil ko'olel táan ka'ach u beeta'al ich Juegos Olímpicos ti' u kaajil Milán-Cortina, ts'o'oke' lelo' tu k'as jelbes bix úuchik u ki'iki' óolta'al náajal tu béeykunsaj u yéet lu'umil Breezy Johnson, úuchik u k'amik u yáax medaayail oro ti'al Estados Unidos te'el keetilo'.

Ba'ax tu béeykunsaj Johnson le domingo máanika', tu kaajil Cortinae', ma' j-úuch je'el bix tukulta'an ka'achil kun suut ti' oliimpikoo keetilo'obi'.

U yich máake' ti' jeets'el yóok'ol Vonne', máax táan ka'ach u kaxtik oro, kex tumen yajili' u xts'íik piixe'. Ts'o'oke', kex ta'aytak u béeykunsal yáax oro tumen Johnstone', péeknaj u yóol úuchik u yilik jlúub Vonn. U ts'ooka', káach u yook yéetel yanchaj u biinsa'al tu najil ts'akyaj, tu'ux óoperarta'abij.

Beyxan, Estados Unidose', chíikbesa'an tumen Iliá Malinin, úuchik u béeykunsaj tuka'atéen oro ichil u keetil páatinajee artiistikoo ich múuch'o'ob, úuchik u máan táanil ti' Japón.

Viernes úuch u k'iimbesajil ti'al u chúunul keetilo'ob. Kamp'éel tu'ux úuchij yéetel yanchaj ka'ap'éel péebeteero'ob.

Franjo von Allmen, juntúul jsuizoil esquiadore', béeychaj u ts'o'oksik keet le sábado máanika', ka tu k'amaj yáax oro ti' le keetilo'.

Ti'al u ts'o'okbal le domingo máanika', u noj lu'umil Noruegae' ti' yaan tu yáax kúuchil ichil lu'umo'ob náajaltmail medaayáas tumen ts'o'ok u béeykunsik óoxp'éel oro, yéetel tu paache' ti' yaan Estados Unidos, ts'o'ok ka'ap'éel ti'.